

Արտորուհի Մուսայ Դատաւորին : Ընդդիմութիւն Լատինաց վասն ճա-
նապարհի : Պահանջ Քաղաքապետին : Քեահեայ Կուսակալին և բռնու-
թիւն նորին : Բողոք Հայոց վասն այնր :

ՄՈՒՍՍՅ էֆէնտի Խալիտի յորժամ կարգեցաւ Դա-
տաւոր Երուսաղէմի փոխանակ Մուսանըֆի աքսորելոյ ,
յանձն եղել նմա կատարել զգործս Հայոց ըստ հրա-
մանի Արքային . Նուրի էֆէնտի 'ի դէպս ինչ յշտացեալ
'ի նմանէ , մի՛ զի միշտ 'ի կողմն Յունաց հակեալ էր , երկ-
րորդ՝ ոչ կամեցաւ յայտնել նմա զգաղտնիս իւր , և այն-
պէս խէթ 'ի սրտի մեկնեցաւ յերուսաղէմէ : Հայք 'ի Կոս-
տանդինուպօլիս ամբաստան լինէին զնմանէ՝ թէ՛ զոմանս
'ի գործոց անտես արար և զոմանս թերի եթող , և Նախիպ
քաղաքին թշնամացեալ ընդ նմա՝ չարախօս լինէր 'ի Կոս-
տանդինուպօլիս 'ի ձեռն Բիլիսցի Օսման էֆէնտեայ ու-
րուք : Պօղոս վարդապետ գրէր անտի յերուսաղէմ չխա-
բիլ 'ի բանս նորին և շանկանիլ տարապարտ 'ի տուգանս ,
զի անպատճառ ունէր շարժիլ աշտանակ նորա յերուսա-
ղէմէ . բայց գրեանք մեծի Դենպետին և այլոց մեծամե-
ծաց հաստատէին լինիլ նորա Փոխանորդ Դատաւորի նոր
տարւոյ , և պահանջէին 'ի նմանէ 55,000 դահեկան փու-
թանակի առաքել իբր ծախս : Ընթերցեալ Դատաւորին
զայսոսիկ գրեանս , կոչեաց զոմանս 'ի Հայոց և ասէ՝ իշ-
խանութիւնս այս յօգուտ ձեր է՝ զի Դատաւորն գոլով
անտեղեակ հանդամանաց գործոյն , եւ թելադրութեամբ
թշնամեաց ունի նեղել զձեզ և տազնապել , զի ոչ կարէ
ընդդէմ կալ բռնութեան Կուսակալին , ուստի պարտ է
ձեզ յանձն առնուլ վճարել փոխանակագրով զգումարն
զայն 'ի թագաւորեալ քաղաքին եւ ես աստ սակաւ առ
սակաւ հաշուեցից զայն փոխարէն պարգեւաց եւ այլոց
արոց և գործոց՝ զորս ունին Դատաւորք 'ի ձէնջ . զի եթէ
ոչ հաճիք՝ ազդ արարից Յունաց , զի նոքա յօժարութեամբ
ընդունին , յայնժամ պարտաւորիմ գործել 'ի նպատտ նոցա
և 'ի վրաս ձեզ :